



**Gatikako udala**  
Bizkaia

## AKTA

<b>Akta zenb.</b>	2010/7
<b>Organoa</b>	Udalbatza
<b>Batzarra</b>	Ohiko Osoko Bilkura
<b>Tokia</b>	Udaletxeko areto nagusia
<b>Eguna</b>	2010-06-15
<b>Deialdia</b>	Lehenengoa
<b>Hasiera ordua</b>	Iluntzeko 20'50etan.
<b>Amaiera ordua</b>	Iluntzeko 21'05ean.

### Bertaratutakoak:

1. Jesús M. Fullaondo
2. Kepa Arrizabalaga
3. Leixuri Arrizabalaga
4. José M. Markaida
5. Deitze Erkoreka
6. Maite Elordui
7. Gotzon Arrieta
8. Iñaki Aginaga

**Ez da etorri, baina horretarako arrazoiak emon dauz:** Iker Arostegi.

**Aholkulari juridikoa:** Orzi De la Quintana.

**Behin-behineko Idazkaria:** José Ignacio Etxebarria Atutxa.

Idazkariaren aldetik bilkura ahal izateko behar dan gutxieneko kopurua dauala ikusi ondoren, eguneko aztergaian agertutako gai ei buruz eztabaidatu dabe:

#### **1.- ARTEKO BILKURAKO AKTAREN ONARPENA.**

2010eko apirilaren 29ko akta, ahobatez onartzen da.

#### **2.- ALKATETZA DEKRETUAK.**

2010-61 zenbakitik 2010-75 zenbakirarteko Alkate dekretuen kontu emoten da.



**Gatikako udala**  
Bizkaia

**3.- KREDITU ALDAKETETARAKO ESPEDIENTEA.**

2010eko Aurrekontuko 1 zenbakidun kreditu gehigarriaren espedientea, ahobatez onartzen da.

**4.- GIZARTE LARRIALDIETARAKO LAGUNTZA ESKAKIZUNA.**

Gizarte langileak egindako txostena kontuan harturik, ahobatez onartu da, A.C.L-eri 912,50.- eurotako gizarte larrialdietarako laguntza emotea.

**4.- ESKABIDE ETA GALDERAK.**

José M. Markaida zinegotziak premiazko bidez Udalbiltzaren aldeko mozio bat sartzea eskatzen dau.

Mozio hau bilkura honetan sartzea, ahobatez onartzen da.

Deitze Erkoreka zinegotzia "Bai Udalbiltzari, bai Euskal Herriari" mozioa irakurtzera pasatzen da.



**Gatikako udala**  
Bizkaia

GATIKAKO UDALA	
2010-06-10	
SARRERA	URTEERA
Zk.	Zk.



**BAI UDALBILTZARI, BAI EUSKAL HERRIARI**

"UDALBILTZA, Euskal Herriko Udalen eta Udal Hautetsien Biltzarra", nazio-instituzioa, zazpi lurraldeetako ia 1.800 udal hautetsik sortu zuten, 1.999ko irailaren 18an Bilboko Euskalduna Jauregian. Honako printzipio eta helburuekin sortu zuten:

1. Euskal Herria nazioa dela aldarrikatzea.
2. Euskal Herriaren egituraketa politikoa eraikitzen laguntzea, lurraldetasuna lekuko izanik eta zazpi euskal lurraldeetako udal ordezkariak esparru erkidean batzeko asmoz.
3. Euskal Herriaren nazio eraikuntza bultzatzea, prozesu dinamiko eta demokratikotzat harturik eta euskal herritar guztien erabakimen eta parte hartze askean oinarriturik.
4. Herrialde guztietako udalerrien arteko harremanak eraikitzen laguntzea, hizkuntzaren, kulturaren, kirolaren, ingurumenaren, lurralde antolaketaren, ekonomiaren garapenaren eta ongizatearen alorrean eta beste esparru batzuetan, udal ordezkarien ekintza bateratuei bide emanez.
5. Nazioartean Euskal Herria nazio berezko eta desberdindua dela adieraztea, baita Euskal Herriak nazio gisa jardun nahi duela ere Europako etorkizuneko egituraketan eta erakundeetan.

Helburu hauek gauzatzeko aldera hamaika ekimen bultzatu, sendotu, babestu eta aurrera atera izan ditu UDALBILTZAK azkeneko ia hamaika urte hauetan.

Oztopoz jositako ibilbidea izan du. Horien artean, nabarmena 2.003ko udaberrian Madrilgo Auzitegi Nazionalak aginduta erakunde nazionalaren aurkako polizia operazioa dugu.

Operazio honen ondorioz UDALBILTZAko hainbat hautetsi eta langile atxilotu, bulego publikoak itxi, udaletxeak erregistratu, materiala eraman, Zuberoan hainbat enpresa egitasmo laguntzeko herritarrek emandako dirua konfiskatu eta UDALBILTZARI suspentsioa ezarri zioten.

Operazio honen aurrean, udal hautetsi, ordezkari politiko, sindikal, kultural eta sozial ugari eta anitzek eta milaka eta milaka herritarrek eraso salatuz Bilboko kaleetan, "Bai Udalbiltzari, Bai Euskal Herriari" lelopean.

Orain, zazpi urte beranduago, UDALBILTZAren aurkako epaiketa dator. Fiskalaren zein herri-akusazioaren eskaerak ezagutu ditugu, hautetsi eta langile izan diren 22 pertsonentzako 10 eta 23 urte bitarteko espetxe zigorrak hain zuzen.



## Gatikako udala

Bizkaia

Nabarmentzekoa da UDALBILTZA erakundearen beraren behin betiko ilegalizazioa eskatzen dela.

Honen aurrean, GATIKA ko udalbatzarrak honako puntu hauek onartzen ditu:

1. Aldarrikatzea 1999ko irailean Euskalduna jauregian egindako batzar sortzailean onartu ziren bost helburuen alde lan egitea beharrezkoa eta zilegi dela eta ezin dela delitutzat jo. Helburu eta lan-ildo horietan aurrera egiteagatik hautetsi eta alkateak kriminalizatzea demokraziaren aurkako ekimena da, are gehiago kontuan hartuta epaituak sufragio unibertsalez aukeratutako herri-ordezkariek direla.

2. Konpromisoa hartzea, edozein arlo instituzionaletan, demokratikoki aukeratutako ordezkariek Euskal Herriko lurralde eta eremu administratibo guztietako instituzioak sortu, bultzatu, garatu eta finantzatzeko duten eskubidea errespetatzeko.

3. Udalbiltza eta bertako hautetsi eta langile ohien aurka Madrileko Auzitegi Nazionalen eramaten ari den auzibidea irmoki salatzea eta Estatuko Gobernuari eskatzea Estatuko fiskal nagusiak gaur egun mantentzen duen akusazio publikoa erretira dezala.

4. Epaiketa gertatu bitartean, 4ZETAILA -ren 15 -an (eguna) UDALETXEAREN AURRERAN (lekua) an 20:00 tan (ordua) kontzentratzera deitzen ditugu herritarrak, era isilean elkartasuna adierazteko.

Euskal Herrian, 2.010ko EKAINA ren 15 an



**Gatikako udala**  
Bizkaia

Deitze Erkorekak mozioa irakurtzea amaitzerakoan, mozioan aipatzen dan kontzentrazioa uztailaren 15ean iluntzeko 8'00etan Udaletxearen aurrean egitea proposatzen dau.

Udalbiltzaren mozioa bozkatzerakoan, honela geratzen da:

- Alde: 5 (José M. Markaida, Maite Elordui, Deitze Erkoreka, Gotzon Arrieta eta Iñaki Aginaga).
- Abstentzioa: 3 (Kepa Arrizabalaga, Leixuri Arrizabalaga eta Jesús M. Fullaondo).

Iluntzeko 21'05etan amaitutzat emon da bilera.

**IDAZKARIA**

**ALKATEA**